

» de sto diritto i ha d' adottar una proposizion, che vien offerida  
 » in aspetto de appoggiar a leggi, se in legge la ze convinta :  
 » proposizion, che dopo 14 secoli con pubblico pericolo denuda de  
 » sta prerogativa i cai de XL, da cui esce sta magistratura posta  
 » fra i membri principali della repubblica.

» Questo digo in legge e in consuetudine. Sta proposizion ze  
 » opposta alla legge e alla consuetudine. El ga ditto, che non ghè  
 » legge chiara e evidente! Quella, che ghè, nol ghe l' ha letta. Halle  
 » inteso quell' ingegnoso partidior de trinciar i tempi antecedenti al  
 » 1445 e al 1554, e trasportarse dopo el 1554? Vorle una legge  
 » chiara, evidente, senza soggezion e dubbietà de sorte, che per-  
 » mette a un cao solo de XL al criminal el scontrar? Le ga el loro  
 » stesso capitolar : le ghe ne leza el quinto capitolo. Non ghe fasso  
 » bona quella division de tempi. Signor Secretario, la ne prepari  
 » el capitolar dei consegnieri. Nè ga logo el *recedant vetera et nova*  
 » *sint omnia*. La carta letta del capitolar dei cai de XL deve durar  
 » finchè ghe ne vien fatto un altro. Chi l' ha da far? Lo digo fran-  
 » camente, perchè parlo al sovran : l' ha da far el Mazor Conseggio.  
 » Per distinguer i tempi nella forma dell' eccelso, bisogna trovar  
 » una legge, che sostituise un novo capitolar, e allora averà logo  
 » sta bellissima destinzion de tempi, e allora cercheremo e faremo  
 » la question sul capitolar sostituido. Ma finchè resta questo, dovemo  
 » cercar su questo, perchè, se el vien infirmà, i resta senza nessun ;  
 » nè ghè corpo, che possa restar un solo momento senza capitolar.  
 » Non basta, e a sto passo non ho sentido a risponder sull' obbietto,  
 » che, se la legge 1445 predicasse della facultà de scontrar, biso-  
 » gnaria scartar la proposizion. Camminando colla gradazion dei  
 » tempi dovemo andar del pari; e se l' eccellentissimo consegnier  
 » se n' è servido, sarà lecito anche a mi el farne uso. Vostra eccel-  
 » lenza fa ponto fermo sulla legge 1554. Queste non è le sole carte  
 » che ghe sia. Del 1529 gh' era 152 tomi de leggi sparse d' ogni  
 » dove, sconosciute per necessità ai cittadini, incommode a chi go-  
 » vernava. Ha detto la potestà della Repubblica, el Senato, el Mazor